

FUNDARGERÐ 521. FUNDAR STJÓRNAR SORPU bs.

Stjórnarfundur SORPU bs., kt. 510588-1189, mánudaginn 13. október 2025. Fundurinn er settur klukkan 07:30. Fundurinn er staðfundur að Köllunarklettsvegi 1, 104 Reykjavík.

Fundarstjóri: Dóra Björt Guðjónsdóttir.

Fundarritari: Gunnar Dofri Ólafsson.

Sækja fund: Dóra Björt Guðjónsdóttir, Gunnar Valur Gíslason, Orri Vignir Hlöðversson, Svana Helen Björnsdóttir, Sævar Birgisson, og Valdimar Víðisson.

Jón Viggó Gunnarsson framkvæmdastjóri, Gunnar Dofri Ólafsson, sviðsstjóri þjónustu- og samskiptasviðs, og Þórhallur Hákonarson fjármálastjóri sækja fund.

Til fundarins hafði verið boðað með lögformlegum hætti í samræmi við starfsreglur stjórnar og er því fundurinn ákvörðunar- og ályktunarbær.

Tekið fyrir

1. Vinnufundur stjórnar

Stjórn SORPU hélt vinnufund 22. september sl. Á fundinum var skýrsla Hagfræðistofnunar Háskóla Íslands: „Endurvinnsla á drykkjarfernum kostnaðar- og ábatagreining september 2025,“ kynnt. Kári Kristjánsson hjá Hagfræðistofnun kynnti skýrsluna.

Ísól Fanney Ómarsdóttir, verkefnastjóri hjá SORPU, og Bryndís Skúladóttir, ráðgjafi hjá VSÓ, kynntu skýrsluna: ENDURVINNSLUSTÖÐVAR Á HÖFUÐBORGARSVÆÐINU – FRAMTÍÐARSKIPULAG. Skýrslan var unnin af starfshópi á vegum SORPU.

2. Endurvinnsla á pappír og pappa

Framkvæmdastjóri leggur fram og kynnir minnisblað um stöðu á endurvinnslu á pappír og pappa. Þar kemur fram að sérstök flokkun á drykkjarfernum hjá móttökuaðila og sérstök endurvinnsla erlendis skilar einungis um 0,5% árangri í endurvinnslu, úr 90,3% árið 2022 í 90,8% árið 2024, með auknum tilkostnaði sem nam 67 milljónum króna á árinu 2024. Úrvinnslusjóður hefur ítrekað hafnað kröfu SORPU um að greiða þennan kostnað, eins og áformað var.

Þá bendir skýrsla Hagfræðistofnunar, dags. 22. september sl., til að núverandi farvegi fylgi meiri losun koltvísýrings heldur en fyrri farvegi, sem skilaði rúmlega 90% endurvinnsluhlutfalli á pappír og pappa.

Stjórn SORPU bókar:

„Stjórn SORPU skorar á Úrvinnslusjóð að greiða þann kostnað sem SORPA hefur þegar lagt í vegna aukinnar flokkunar á pappír, eins og SORPA var hvött til að gera þegar breytingar voru gerðar á farvegi blandaðs pappírs árið 2023. Stjórn hvetur sjóðinn jafnframt til að útfæra þrepaskipt úrvinnslugjald á umbúðir, eins og lög mæla fyrir um.

Niðurstöður Hagfræðistofnunar um lítinn viðbótarárangur af endurvinnslu í núverandi farvegi, og aukinni losun á koltvísýringi, valda því hins vegar að rétt sé að staldra við og endurskoða þann farveg sem blandaður pappír frá SORPU fer í.

Stjórn samþykkir að hætta tímabundið að senda blandaðan pappír í sérflokkun og sérstaka endurvinnslu erlendis, og senda pappír þess í stað í fyrri endurvinnslufarveg, sem skilar um 90% endurvinnsluhlutfalli með minna kolefnisfótspori en núverandi farvegur.

Stjórn felur framkvæmdastjóra jafnframt að leita skilvirkari, umhverfisvænni og hagkvæmari leiða til að safna og meðhöndla drykkjarfernur í samráði við hagaðila.

SORPA hvetur drykkjarvöruframleiðendur og innflutningsaðila drykkjarferna að velja umbúðir sem auðvelt er að endurvinna fyrir þær vörur sem þeir setja á markað.

Skýrsla Hagfræðistofnunar fylgir fundargerð.

Minnisblaðið fylgir fundargerð.

3. Undirbúningsfélag um byggingu hátæknibrennslu

Framkvæmdastjóri gerir grein fyrir stöðu samtals við hagaðila um stofnun undirbúningsfélags um byggingu hátæknibrennslu fyrir blandaðan úrgang.

Fyrir liggur yfirlýsing umhverfis-, orku- og loftslagsráðuneytisins um aðkomu, í gegnum Sambands íslenskra sveitarfélaga, að fjármögnun þess hluta verkefnis sem snýr að útvíkkun þess til þjónustu við landið allt, meðal annars með könnun á vilja sveitarfélaga til þátttöku.

Stjórn SORPU bs. heimilar framkvæmdastjóra samlagsins að vinna áfram að stofnun *Undirbúningsfélags um hátæknibrennslu á Íslandi ehf.*, ásamt Köllu sf, á grundvelli þeirrar vinnu sem unnin hefur verið undanfarin ár. Félaginu er ætlað að vinna meðal annars sviðsmyndir um eignarhald, fjármögnun, hönnun, staðsetningu, umhverfissjónarmið, framkvæmdir og rekstur hátæknibrennslustöðvar fyrir úrgang með orkuendurnýtingu.

4. Framtíðarskipan og skilgreining endurvinnslustöðva

Ísól Fanney Ómarsdóttir, verkefnastjóri hjá SORPU, tekur sæti á fundinum undir þessum lið.

Ísól gerir grein fyrir tillögum um framtíðarskipan og skilgreiningum endurvinnslustöðva á höfuðborgarsvæðinu.

Tillögurnar ræddar.

5. Áhrif Góða hirðisins á rekstur endurvinnslustöðva

Framkvæmdastjóri leggur fram minnisblað um sparnað endurvinnslustöðva og þar með sveitarfélaganna á höfuðborgarsvæðinu af rekstri Góða hirðisins. Minnisblaðið er ritað að ósk eigendafundar SORPU og lagt fram til kynningar.

Áætlaður sparnaður og tekjur rekstur endurvinnslustöðvanna af rekstri Góða hirðisins eru rúmlega 190 milljónir króna á ári.

Stjórn vísar minnisblaðinu til eigendafundar.

6. Hringrásarhagkerfi á höfuðborgarsvæðinu - frestað

7. Önnur mál og frágangur fundargerðar

Fjármálastjóri upplýsir að innri endurskoðun 2025 verði unnin af PWC, og að vinna við hana sé að hefjast.

Framkvæmdastjóri greinir frá því að breytingar á sveitarstjórnarlögum séu í samráðsgátt Alþingis, og snerta meðal annars starfsemi byggðasamlaga. Stjórn verður á síðari stigum upplýst um þau áhrif sem breytingarnar kunna að hafa á starfsumhverfi SORPU.

Fjármálastjóri upplýsir um að SORPA hefur verið valin fyrirmyndarfyrirtæki hjá Keldunni og Viðskiptablaðinu.

Fundargerð lesin yfir og samþykkt.

Næsti fundur

Næsti fundur er boðaður mánudaginn 10. nóvember klukkan 07:30.

Fleira var ekki gert og fundi slitið 09:30.